

Adroddiad i'r	Cabinet
Dyddiad y cyfarfod	18 Hydref 2022
Aelod Arweiniol / Swyddog	Y Cyng. Barry Mellor, Aelod Arweiniol yr Amgylchedd a Chludiant / Tony Ward, Cyfarwyddwr Corfforaethol
Awdur yr adroddiad	Wayne Hope, Rheolwr Perygl Llifogydd
Teitl	Cynlluniau Amddiffyn Arfordir Canol y Rhyl a Chanol Prestatyn

1. Am beth mae'r adroddiad yn sôn?

- 1.1. Mae'r adroddiad hwn yn ymwneud â dau gynllun amddiffyn arfordir posib ar gyfer Canol y Rhyl a Chanol Prestatyn.

2. Beth yw'r rheswm dros lunio'r adroddiad hwn?

- 2.1. Darparu'r wybodaeth ddiweddaraf i'r Aelodau ynglŷn â datblygiadau'r cynlluniau a'r camau nesaf.
- 2.2. Oherwydd lefel yr amrywiad ariannol sy'n ofynnol gan y Cyngor, gofynnir am gymeradwyaeth y Cabinet i gyflwyno'r prosiect i'r Cyngor gydag argymhellid i ariannu cyfnod adeiladu'r ddau gynllun.

3. Beth yw'r Argymhellion?

- 3.1. Mae'r Cabinet yn cadarnhau ei fod wedi ystyried cynnwys yr Aseidiadau o Effaith ar Les ar gyfer bob cynllun (sydd wedi'u hatodi fel Atodiad 3a ac Atodiad 3b).
- 3.2. Mae'r Cabinet yn cefnogi'r cynnig i symud cynllun Amddiffyn Arfordir canol y Rhyl yn ei flaen i'r cam adeiladu, gan ddefnyddio'r model cyllid cymorth grant a nodir gan Lywodraeth Cymru ac yn cytuno i'r cynnig gael ei gyflwyno i'r Cyngor ar gyfer penderfyniad.

- 3.3. Mae'r Cabinet yn cefnogi'r cynnig i symud cynllun Amddiffyn Arfordir canol Prestatyn yn ei flaen i'r cam adeiladu, gan ddefnyddio'r model cyllid cymorth grant a nodir gan Lywodraeth Cymru ac yn cytuno i'r cynnig gael ei gyflwyno i'r Cyngor ar gyfer penderfyniad.
- 3.4. Mae'r Cabinet yn dirprwyo awdurdod i Fwrdd Prosiect Amddiffyn yr Arfordir gyflawni'r cynlluniau.

4. Manylion yr adroddiad

- 4.1. Prestatyn: Mae'r amddiffynfeydd arfordirol presennol ar hyd blaen Cwrs Golf y Rhyl tua 70 mlwydd oed ac maent mewn cyflwr gwael, sy'n golygu y gallai'r ddŵr ddod drostynt yn y 30 mlynedd nesaf. Pe byddai'r amddiffynfeydd presennol yn methu yn y fan hon, byddai'r perygl o lifogydd mewn dros 2,000 o adeiladau yn ardal Prestatyn yn cynyddu'n sylweddol. Mae hyn oherwydd y bydd tir isel y tu ôl i'r amddiffynfeydd yn galluogi unrhyw ddŵr llifogydd morol ledaenu dros ardal eang. Ar ôl gwerthuso'r dewisiadau, y dewis a ffeirir (cost ddangosol £26m, gydag 85% o'r costau wedi eu hariannu gan Lywodraeth Cymru) yw arglawdd tir sydd wedi'i osod yn ôl o reng flaen yr amddiffynfeydd ar hyd ffin Clwb Golf y Rhyl. Wrth i ddŵr lifo dros yr amddiffynfeydd rheng flaen presennol yn ystod tywydd stormus, bydd llifddwr yn cael ei gadw ar dir y clwb golff nes iddo gael ei ryddhau yn ôl i'r môr. Mae graddfa'r cynllun a llun o'r dyluniad i'w weld yn Atodiad 1.

Cafodd y cynllun ei gyflwyno i'r Pwyllgor Cynllunio ar 13 Gorffennaf 2022, a rhoddwyd caniatâd cynllunio. Cafodd nifer o amodau cyn cychwyn eu gosod, ac mae'r tîm prosiect yn hyderus y gellir eu cyflawni. Cyflwynwyd trwydded newydd ar gyfer y cynllun gan Gyfoeth Naturiol Cymru ar 9 Tachwedd 2021.

Caiff Achos Busnes Llawn ar gyfer y cynllun ei gyflwyno i Lywodraeth Cymru (LIC) erbyn diwedd Medi 2022. Mae'r Cyngor wedi gweithio'n agos gyda Llywodraeth Cymru yn ystod datblygiad y cynllun ac yn rhagweld y rhoddir cymeradwyaeth Llywodraeth Cymru erbyn diwedd Hydref 2022.

Mae asesiad effaith carbon wedi'i gynnal sy'n dangos, dros oes y cynllun, bod effeithiau carbon yn debyg iawn i'r buddion carbon, sy'n golygu bod y cynllun yn garbon niwtral.

Mae'r cynllun yn effeithio ar Glwb Golff y Rhyl, sy'n prydlesu Cwrs Golff y Rhyl gan y Cyngor. Mae trafodaethau gyda'r clwb yn parhau ac yn symud ymlaen yn gadarnhaol.

- 4.2. Canol y Rhyl: Caiff ardal ganolog y Rhyl (rhwng Splash Point a Pharc Drifft) ei gwarchod ar hyn o bryd gan amddiffynfeydd môr sy'n dirywio. Mae'r Cyngor eisiau sicrhau bod yr amddiffynfeydd presennol yn cael eu newid ymhell o flaen llaw, er mwyn amddiffyn y rhan boblogaidd yma o arfordir y Rhyl rhag llifogydd ac erydu arfordirol. Pe byddai'r amddiffynfeydd presennol yn methu yn y fan hon, byddai'r perygl o lifogydd mewn dros 600 o adeiladau yn ardal y Rhyl yn cynyddu'n sylweddol. Disgwylir i'r cynllun gostio oddeutu £58miliwn, gydag 85% o'r costau yn cael eu hariannu gan Lywodraeth Cymru. Mae'r cynllun yn cynnwys: Gosod creigiau a deunyddiau i atal erydu, wedi'u claddu o dan y tywod presennol, ac atgyweiriadau concriid i'r morglawdd presennol tuag at ochr ddwyreiniol ardal y cynllun arfaethedig; wal gynnal goncriid i amsugno egni'r tonau, gan gynnwys grisiau mynediad i'r traeth a ramp mynediad mawr i'r traeth rhwng y Parc Drifft a SeaQuarium y Rhyl; Promenâd uwch newydd a chefn mur i amddiffyn rhag y môr, rhwng y Parc Drifft a SeaQuarium y Rhyl; lledu'r promenâd gerllaw Pentre'r Plant. Mae graddfa'r cynllun a llun o'r dyluniad i'w weld yn Atodiad 2.

Cafodd y cynllun ei gyflwyno i'r Pwyllgor Cynllunio ar 13 Gorffennaf 2022, a rhoddwyd caniatâd cynllunio. Gosodwyd nifer o amodau cyn dechrau, ac mae'r tîm prosiect yn hyderus y gellir eu cyflawni. Cafodd trwydded forol ar gyfer y cynllun ei chaniatáu gan Gyfoeth Naturiol Cymru ar 9 Tachwedd 2021.

Bydd Achos Busnes Llawn ar gyfer y cynllun yn cael ei gyflwyno i Lywodraeth Cymru (LIC) erbyn diwedd Medi 2022. Mae'r Cyngor wedi gweithio'n agos gyda Llywodraeth Cymru yn ystod datblygiad y cynllun ac yn rhagweld y rhoddir cymeradwyaeth Llywodraeth Cymru erbyn diwedd Hydref 2022.

Mae asesiad effaith carbon wedi'i gynnal sy'n dangos, dros oes y cynllun, bod effeithiau carbon yn debyg iawn i'r buddion carbon, sy'n golygu bod y cynllun yn garbon niwtral.

Mae'r Cyngor wedi bod yn rhan o drafodaethau cadarnhaol gyda busnesau yr effeithiwyd arnynt gan y cynllun.

Mae'r tîm prosiect yn gweithio'n agos gyda thîm prosiect Adfywio'r Rhyl, i wneud yn siŵr bod cynllun amddiffyn yr arfordir a'r cynllun adfywio yn cael eu cydlynu'n agos i sicrhau cyn lleied o amhariad anochel o'r prosiectau adeiladu sylweddol hyn.

5. Sut mae'r penderfyniad yn cyfrannu at y Blaenoriaethau Corfforaethol?

5.1. Mae dwy flaenoriaeth yng Nghynllun Corfforaethol Cyngor Sir Ddinbych (2017-22) sydd yn berthnasol yn yr achos yma; Yr Amgylchedd a Phobl Ifanc. Bydd cynnydd y cynlluniau yma'n bodloni uchelgais o dan flaenoriaeth yr Amgylchedd i amddiffyn preswylwyr rhag llifogydd. Dylai profiad gwaith a chyfleoedd gwaith i bobl iau fod ar gael yn ystod y cyfnodau adeiladu yn y dyfodol.

6. Faint fydd hyn yn ei gostio a sut y bydd yn effeithio ar wasanaethau eraill?

6.1. Mae cost cyfunol y ddau gynllun oddeutu £84miliwn. O'r gost hon, caiff 85% ei ariannu gan Lywodraeth Cymru fel cymorth grant, sy'n cael ei dalu i'r Cyngor dros gyfnod o 25 mlynedd drwy'r Grant Cynnal Refeniw.

7. Beth yw prif gasgliadau'r Aseiad o'r Effaith ar Les?

7.1. Crynodeb am Brestatyn: Nod y prosiect yw lleihau'r perygl o lifogydd ym Mhrestatyn. O gymryd bod y nod yma'n cael ei gyflawni, bydd yn arwain at Sir Ddinbych sydd yn fwy ffyniannus, gwydn, iach, cyfartal ac sy'n gyfrifol fyd-eang. Gweler Atodiad 3a ar gyfer yr aseiad llawn.

7.2. Crynodeb am Ganol y Rhyl: Nod y prosiect yw lleihau'r perygl o lifogydd yng nghanol y Rhyl. O gymryd bod y nod yma'n cael ei gyflawni, bydd yn arwain at Sir Ddinbych sydd yn fwy ffyniannus, gwydn, iach, cyfartal ac sy'n gyfrifol fyd-eang. Gweler Atodiad 3b ar gyfer yr aseiad llawn.

8. Pa ymgynghoriadau sydd wedi'u cynnal gyda Chraffu ac eraill?

- 8.1. Cynhaliwyd ymgynghoriad eang ar gyfer y ddau gynllun, gan gynnwys yr un a gynhaliwyd fel rhan o'r broses gynllunio ffurfiol. Roedd ymgynghoreion yn cynnwys preswylwyr a busnesau lleol, cynghorwyr sir, cynghorwyr tref a chyrrff statudol.
- 8.2. Cyflwynwyd adroddiad i'r Pwyllgor Craffu Cymunedau ar 8 Medi 2022. Penderfynodd y Pwyllgor argymhell cyflwyno'r cynlluniau i'r Grŵp Buddsoddi Strategol, y Cabinet a'r Cyngor yn olynol ar gyfer cymeradwyaeth.
- 8.3. Cyflwynwyd achos busnes ar gyfer pob cynllun i'r Bwrdd Cyllideb ar 20 Medi 2022. Penderfynodd y bwrdd argymhell symud y cynlluniau yn eu blaenau i'r cam adeiladu, yn amodol ar gymeradwyaeth y Cabinet a'r Cyngor, a chymeradwyaeth Llywodraeth Cymru (Mae copïau o'r achosion busnes wedi'u cynnwys fel Atodiad 4 ac Atodiad 5).

9. Datganiad y Prif Swyddog Cyllid

- 9.1. Os caiff ei gymeradwyo, byddai'n ymrwymiad ariannol sylweddol gan y cyngor ar adeg o ansicrwydd economaidd sylweddol. Yn seiliedig ar y wybodaeth a ddarparwyd yn Adran 6, mae'r cynllun arfaethedig angen cyfraniad o £12.6miliwn gan y Cyngor. Mae model ariannu Llywodraeth Cymru ar gyfer cynlluniau o'r fath i gynghorau fenthyg yr arian i dalu am y cynllun cyfan ac mae'r llywodraeth yn ad-dalu cost flynyddol benthyg 85% ohono i'r cynghorau drwy'r Grant Cynnal Refeniw. Byddai cost refeniw i'r cyngor o fenthyg ei gyfran yn oddeutu £0.7miliwn mewn blwyddyn lawn ar ôl cwblhau. Bydd yr union gost yn dibynnu ar swm y contract terfynol a chyfraddau llog ar y pryd (a ragwelir fydd yn parhau i godi ar hyn o bryd). Mae hyn yn golygu ymrwymiad mawr ar adeg ansicr iawn, ac os caiff ei gymeradwyo, byddai felly yn cynyddu'r arbedion neu'r toriadau mae'n rhaid i'r cyngor eu gwneud ym mhob un o'r blynyddoedd hynny neu bydd angen codi Treth y Cyngor ymhellach i'r hyn sydd eisoes yn 1.2%.

10. Risgiau

10.1. Y risg mwyaf sylweddol sy'n gysylltiedig â'r prosiect yw y bydd telerau benthyciad Llywodraeth Cymru yn arwain at faich refeniw hirdymor (25 mlynedd) i'r Cyngor, a fyddai'n effeithio ar ddarpariaeth gwasanaethau eraill. Hefyd, mae yna risg na fydd Llywodraeth Cymru yn cynyddu'r dyfarniad grant i gynnwys unrhyw gynnydd mewn cost yn ystod y gwaith adeiladu. Lliniarwyd y risg hwn trwy ddewis opsiwn caffael sydd wedi arwain at lefel uchel o sicrwydd cost.

10.2. Mae maint a lleoliad cynllun Canol y Rhyl yn golygu y bydd yna amhariad sylweddol tebygol yn ystod y cyfnod adeiladu o tua dwy flynedd a hanner. Gwneir pob ymdrech i reoli a lleihau amhariad gymaint â phosibl a rhoddir cynllun cyfathrebu ac ymgysylltu ar waith. Er y bydd y cynllun yn anochel yn tarfu, mae'r buddion hirdymor yn llawer mwy na'r effaith tymor byr.

11. Pŵer i wneud y penderfyniad

11.1. Mae'r pŵer i wneud penderfyniad wedi'i gynnwys yn Adran 2 Deddf Llywodraeth Leol 2000, ac Adran S111 Deddf Llywodraeth Leol 1972.

11.2. Yn ychwanegol, mae gan y Cyngor bŵer i wneud gwaith cynnal a chadw a gwelliannau i'w amddiffynfeydd arfordirol dan Ddeddf Amddiffyn y Glannau 1949.